

Na osnovu Odluke o usvajanju Programa utroška sredstava sa kriterijima raspodjele sredstava: "Kapitalni transfer drugim nivoima vlasti i fondovima - učešće Vlade FBiH u sufinansiranju kantonalnih i lokalnih zajednica – zaštita nacionalnih spomenika" utvrđenih Budžetom Federacije Bosne i Hercegovine za 2018. godinu Federalnom ministarstvu prostornog uređenja („Službene novine Federacije BiH“, broj: 23/18 od 28.03.2018. godine), i Odluke o raspisivanju Javnog poziva Federalnog ministarstva prostornog uređenja broj: 04-14-4-99/18-7 od 28.03.2018. godine, Federalno ministarstvo prostornog uređenja, raspisuje:

JAVNI POZIV

Za odabir korisnika za Program utroška sredstava sa kriterijima raspodjele sredstava "Kapitalni transferi drugim nivoima vlasti i fondovima - učešće Vlade FBiH u sufinansiranju kantonalnih i lokalnih zajednica – zaštita nacionalnih spomenika"

I.

Predmet Javnog poziva je prikupljanje programa – projekata za raspodjelu sredstava kapitalnih transfera, koja su osigurana su iz sredstava Federalnog ministarstva prostornog uređenja u razdjelu 23 ekonomski kod 6151 "Kapitalni transfer drugim nivoima vlasti i fondovima - učešće Vlade FBiH u sufinansiranju kantonalnih i lokalnih zajednica – zaštita nacionalnih spomenika" Budžeta Federacije Bosne i Hercegovine za 2018. godinu („Službene novine Federacije BiH“, br. 5/18).

Vlada Federacije Bosne i Hercegovine donijela je Odluku, V.broj: 258/2018 od 21.03.2018. godine, o usvajanju Programa utroška sredstava sa kriterijima raspodjele sredstava " Kapitalni transfer drugim nivoima vlasti i fondovima - učešće Vlade FBiH u sufinansiranju kantonalnih i lokalnih zajednica – zaštita nacionalnih spomenika ", utvrđenog Budžetom Federacije Bosne i Hercegovine za 2018. godinu, Federalnom ministarstvu prostornog uređenja („Službene novine Federacije BiH“, broj: 23/18).

II.

Naziv programa, korisnici, ciljevi i kriteriji

Program utroška sredstava sa kriterijima raspodjele sredstava: "Kapitalni transfer drugim nivoima vlasti i fondovima- učešće Vlade FBiH u sufinansiranju kantonalnih i lokalnih zajednica – zaštita nacionalnih spomenika"

Broj:	NAZIV PROGRAMA / PROJEKTA	SVRHA PROGRAMA / PROJEKTA	KORISNIK SREDSTAVA	BROJ KORISNIKA	IZNOS PO KORISNIKU	UKUPNO
1.	Izvođenje radova na zaštiti nacionalnih spomenika	Zaštita islamskih sakralnih objekata koji su proglašeni nacionalnim spomenikom BiH	Institucije i vlasnici nac. spomenika zaduženi za realizac. programa/projekta	1	20.000,00	20.000,00
2.	Izvođenje radova na zaštiti nacionalnih spomenika	Zaštita katoličkih sakralnih objekata koji su proglašeni nacionalnim spomenikom BiH	Institucije i vlasnici nac. spomenika zaduženi za realizac. programa/projekta	1	20.000,00	20.000,00
3.	Izvođenje radova na zaštiti nacionalnih spomenika	Zaštita pravoslavnih sakralnih objekata koji su proglašeni nacionalnim spomenikom BiH	Institucije i vlasnici nac. spomenika zaduženi za realizac. programa/projekta	1	20.000,00	20.000,00
4.	Izvođenje radova na zaštiti nacionalnih spomenika	Zaštita starih gradova ili nekropole stećaka koji su proglašeni nacionaln. spomenikom BiH	Institucije i vlasnici nac. spomenika zaduženi za realizac. programa/projekta	1	20.000,00	20.000,00
5.	Interventna sredstva:					21.000,00
UKUPNO :						101.000,00

Pravo sudjelovanja na javnom pozivu ostvaruju: Institucije i vlasnici nacionalnog spomenika zaduženi za realizaciju programa/projekta

Ciljevi programa su: Izrada projektne dokumentacije i izvođenje radova na zaštiti i očuvanju nacionalnih spomenika koji su Zakonom o provedbi odluka Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u Bosni i Hercegovini ("Službene novine FBiH" br.2/02, 8/02,27/02, 6/04 i 51/07), proglašeni nacionalnim spomenikom Bosne i Hercegovine.

Kriteriji za izbor programa su: Raspodjela sredstava vršit će se za programe i projekte u skladu sa općim i posebnim kriterijima .

Opći kriteriji za raspodjelu sredstava su:

Kvalitet kandidiranih programa i projekata i njihov doprinos u oblasti zaštite nacionalnih spomenika koji su Odlukom Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u Bosni i Hercegovini proglašeni nacionalnim spomenikom Bosne i Hercegovine, ili se nalaze na Privremenoj listi nacionalnih spomenika.

Regionalna i nacionalna zastupljenost;

Posebni kriteriji za raspodjelu sredstava:

Nastavak i realizacija započetih objekata;

Prioritet i neophodnost radova u skladu sa stanjem objekta;

Vrijednost objekta (historijska, umjetnička, arhitektonska, kulturna, duhovna, prostorna);

Podrška programima i projektima koji imaju podršku lokalne zajednice i obezbijeđeno sufinansiranje;

Finansijski plan (budžet projekta);

III.

Neophodna dokumentacija za sudjelovanje

Sredstva iz Javnog poziva po navedenim programima dodjeljuju se na osnovu prijave projekta - programa korisnika i obavezne dokumentacije.

Obrazac za prijavu projekta i obrazac izjave moraju biti popunjeni na računaru na obrascima koji su dostupni na web stranici Federalnog ministarstva prostornog uređenja (www.fmpu.gov.ba). Obrazac za prijavu projekta, obrazac Izjave i obavezna dokumentacija treba biti dostavljena prema redosljedu sa prijavnog obrasca, i poslana u A4 koverti. Obavezna dokumentacija treba biti odvojena od dokumentacije za preporuku.

Obrasci moraju biti dostavljeni u print i elektronskoj formi na CD u koverti.

Obavezna dokumentacija mora sadržavati:

1. Popunjen obrazac za prijavu projekta (obrazac 1.)
2. Popunjen obrazac Izjave (obrazac 2.)
3. Uvjerenja o poreskoj registraciji (identifikacijski broj: ID broj i PDV broj ukoliko su PDV obveznici)
4. Dokaz o vlasništvu (izvod iz katastra - katastarska čestica)
5. Detaljan projekt ili program sa preciznim predmjerom radova za koji se traži sufinansiranje
6. Finansijski plan (budžet projekta)
7. Preporuku kantonalnog resornog ministarstva ili lokalne zajednice s potvrdom o sufinansiranju (*ukoliko podnosilac ima takvu preporuku*)
8. Elektronsku verziju obrasca prijave projekta i budžeta (CD disk)

Važne napomene:

- U koverti može biti samo jedan projekat, ako ima više projekata u jednoj koverti aplikacija se odbacuje.
- Da bi aplikant ušao u konkurenciju za odabir na Javnom pozivu mora ispuniti pravno-formalne uvjete.
- Svi dokumenti koji se predaju uz obrazac prijave projekta kao dokaz o ispunjavanju kriterija sudjelovanja iz ovog poziva, moraju biti originali ili ovjerene kopije, ne starije od tri mjeseca
- Dokumenti koji se šalju na Javni poziv ne vraćaju se aplikantu.
- Neadekvatno popunjene prijave i nekompletni zahtjevi se neće razmatrati.
- Pravo sudjelovanja na Javnom pozivu ostvaruju aplikanti sa područja Federacije BiH

IV. Vrednovanje projekata

Vrednovanje i rangiranje projekata pristiglih na Javni poziv vršit će posebna komisija koju imenuje Federalni ministar prostornog uređenja. Komisija razmatra projekte zaprimljene na osnovu Javnog poziva, cijeni ispunjenost uvjeta i kriterija za odobravanje, te zapisnik s obrazloženom ocjenom i mišljenjem dostavlja Federalnom ministru prostornog uređenja koji donosi konačnu Odluku o korisnicima sredstava.

Rezultati Javnog poziva o izboru korisnika sredstava bit će objavljeni na (www.fmpu.gov.ba)

Prije donošenja konačne odluke o odabiru Ministarstvo zadržava pravo od aplikanta zatražiti dodatna pojašnjenja projekta, kao i pravo odbijanja pristiglih projekata bez posebnog obrazloženja.

Sa odabranim korisnicima zaključit će se ugovor o međusobnim pravima i obavezama u realizaciji projekta koji se sufinancira te praćenje namjenskog korištenja dobivenih sredstava.

V. Opće odredbe

Obraci za prijavu po ovom Javnom pozivu mogu se preuzeti na (www.fmpu.gov.ba)

Zahtjev za sudjelovanje s obaveznom dokumentacijom dostavlja se lično ili putem pošte na adresu Federalno ministarstvo prostornog uređenja, Marka Marulića br. 2, 71000 Sarajevo u zatvorenim kovertama sa naznakom „NE OTVARAJ – PRIJAVA NA JAVNI POZIV ZA OBNOVU NACIONALNIH SPOMENIKA „

Javni poziv objavljuje se na (www.fmpu.gov.ba), u „Službenim novinama Federacije BiH“ i dnevnom listu velikog tiraža.

Rok za podnošenje zahtjeva je 15 dana od dana posljednjeg objavljivanja javnog poziva u „Službenim novinama Federacije BiH“.

Zahtjevi s nepotpunom dokumentacijom, podneseni mimo roka i utvrđene forme, neće se razmatrati.

Sve dodatne informacije vezane za javni poziv, mogu se dobiti svakim radnim danom putem telefona 033/726 522 i 033/726 531

Broj: 04-14-4-99/18-8

Sarajevo, 28.03.2018. godine

